

欽定剿平三省邪匪方略

欽定剿平三省邪匪方畧正編卷三

丙辰年

三月初一日丁未陝甘總督宜綸奏言本月十七

日接湖北撫臣惠齡咨調興漢兵丁一千名前

往剿捕現在撫臣秦承恩業已星夜僱赴興安

提臣柯藩適因興漢閱兵亦先期前往臣當卽

飛札提臣令其會同撫臣於興漢鎮標內挑派

精壯兵丁一千名並遴選曾經出征打仗之將

弁統領攜帶鎗礮軍火弓箭鍋帳等物速由襄  
河順流直下前赴荊州聽候調用

臣

又委請咨

陛見之新授巴里坤總兵徐昭德令其暫緩進京先

由小路馳往與漢一帶悉心訪察如有賊匪竄

入卽可堵截查拏

臣

亦於二十日自蘭州起程

藉閱固原陝西營伍爲名前赴西以便與撫

臣酌商一切

同日秦承恩奏言臣因巡查地方於本月二十

三日在興安府城接准畢沅惠齡咨調與漢鎮  
兵一千名當卽如數挑備交署總兵文圖統領  
前往已於本日全數起程現在漢水初發建瓴  
直下可期迅達荊州均奏入報

聞

初二日戊申畢沅奏言臣因收復當陽不容刻緩

於二十四日督率各官兵先在河溶整頓齊集  
卽帶領兵勇星夜前進賊人聞官兵進剿卽分  
匪徒千餘人在相距當陽十里之蘇家河北岸  
紮卡抗拒查蘇家河爲當陽咽喉要道若不掃  
除該處屯匪我兵不能過渡南去卽不能直薄  
城身因於二十五日黎明派道將等分隊衝出  
臣隨後督押前進人人奮勇殺賊二百餘名賊

人覓水棄卡逃回我兵當卽一面搭造竹木浮橋過河追趕時已昏黑適大雨如注因思我兵已過蘇家河要隘已得從此徑趨當陽可期無阻而賊人敗回之後並未進城於關廂外四五里地方糾輦潛伺希圖阻隔攻城之路並聞賊人製有木礮分設城門適據襄陽道府稟報南陽鎮頭二起兵四百名二十五六日先後將抵

荆門州臣

已飛飭直趨當陽一二日間可以到

齊聲勢聯絡會合夾攻更可尅期殲戮至豫省

之三四五起兵六百名及續調之一千名

臣已

飛檄嚴催兼程前進隨到隨飭應援現在被賊

滋擾各屬俱就存營兵丁輔以鄉勇令其竭力

堵禦以資固守再各屬匪徒乘虛勾結逐漸蔓

延近日宜昌屬之興山鄖陽屬之房縣施南屬

之來鳳均有逸匪滋擾臣與惠齡已飛飭襄陽

鎮彭之年施南協副將樊繼祖速往分捕而現

在兵單將少派調不敷因思奉

旨派出之侍衛原任將軍舒亮久歷戎行從前與臣

共事多年素所知悉今不日行抵楚境臣已飛

札囑其暫留楚北現在收復當陽卽可就近馳

來商同剿捕至臣前後所調陝豫兵四千名是



否足敷分捕尙難預定臣現又密札知會陝西

撫臣秦承恩以興漢地接楚疆亦關緊要不便

多調或於西安兵內再備勁旅一千名臣當察

看此處情形如實有不敷隨時咨調接應均奏入

上命軍機大臣傳諭畢沅惠齡曰昨據惠齡奏枝江

首逆聶傑人已經生獲而該處及當陽一帶尙有

賊匪仍前屯聚是惠齡所奏傳習邪教之張正謨

實爲此案首犯大約聶傑人如湖南苗匪內之吳  
半生爲衆所推其張正謀一犯如石三保石柳鄧  
等爲造逆之正犯必應生獲者惠齡務須將張正  
謨迅速查拏則首謀就擒其餘夥黨自必潰散畢  
沅亦當將當陽滋擾賊匪星速剿除至該督前後  
所調各省兵丁已有四千名嗣又降旨令恒瑞帶  
領西安漢兵二千名由鄖陽一帶前赴當陽兵力

已爲壯盛今畢沅以興漢地接楚疆不便多調札  
知秦承恩令於西安兵內酌調一千名自係未經  
接奉派調西安滿兵之旨故有此奏此次賊匪糾  
衆多人其中被賊誘脅者諒復不少畢沅等當嚴  
行查究如係抗拒傷官焚搶村莊及輾轉勾結爲  
逆者俱屬罪無可宥均須悉數嚴辦其餘爲賊匪  
誘脅逼人邪教者不過分發各處爲奴若祇係無

知愚民誤被誘惑旋一改悔者概不必深究庶自  
新有路更可免株累而安衆心畢沅惠齡務宜詳  
細分別毋縱毋濫

同日景安奏言

臣

查河南通省額設烏鎗前後

兩次赴楚官兵帶去六百桿現復撥運八百桿  
共計調用一千四百桿軍火利器本省設備亦  
不可缺

臣

隨飭各標營趕緊勒限補造還額所

有運往荊州烏鎗八百桿諒已敷用再續調赴  
楚官兵一千名均已於本月二十三、四等日各  
田該營分次起程月內頭二起即可趕抵南陽  
奏入報

聞

初三日巳畢沅奏言襄陽爲全楚門戶荊州爲

數省通津宜昌鄖陽爲川陝屏障皆屬四達之

區此時荆襄鄖宜施五府及荆門一州其已經  
有賊之區固須搜捕卽未經萌動處所地屬毗  
連卽應戒嚴密備且逆賊情同鬼蜮暗播謠言  
輾轉致惑其中紳士義勇合力齊心團練擒殺  
日以百計實多出力之人但深山窮谷之中不  
少奸惡匪徒卽鹽梟土棍本非邪教而聞風肆  
搶有利可圖亦難保不附和入夥至懦怯愚民

被脅相從雖非情愿懾以兇鋒勢亦日逼日多  
蔓延可慮

臣

雖節次出示飛布傳旗諭以隣省

大兵分道雲集不難卽刻殲除是以民心稍定  
但閭閻之所以倉皇者固由逆匪猖獗到處脅  
逼不從入夥卽被戕害亦因兵守空虛一無可  
恃而賊匪探知其故輒卽虛張聲勢牽制我兵  
關係實爲不小因思現在調集本省及陝豫各

兵概爲剿捕之需尙恐不敷分遣實未能留駐  
要區爲控制地方之用而各處逆賊卽使迅速  
殄滅反側初平亦必須重兵駐守頃又據報保  
康房縣穀城來鳳處處滋擾并傳聞保康來鳳  
逆匪蹂躪尤甚臣派去援兵得到與否尙未可  
定實有顧此失彼之勢臣向旣未厯戎行以六  
府州屬賊氛之廣惠齡專力技宜正在喫緊又



未得分身來此合無仰懇

天恩俯鑒事機重大

特發京營勁旅三千名於襄鄖荆宜四府喫緊重地  
酌量分駐庶幾鎮定民心有所倚恃俾逆賊不  
能煽動至京兵乘坐大車直抵襄陽卽於襄郡  
留駐一千名其餘二千名臣已飭備船隻於樊  
城登舟由漢江水道分赴鄖陽荊州宜昌等處

無須夫馬甚爲便捷再分搜逆匪急須乘此賊  
心未固器械未全迅加掃蕩斷不宜遲臣已飛  
咨陝撫臣秦承恩再調西安等處兵二千名迅  
速來楚以期分投洗蕩速淨根株再副都統成  
德已經回荆臣卽囑令速赴當陽會同鎮道帶  
領官兵進剿

同日秦承恩奏言二十四日據白土路都司趙

禱稟稱接准湖北竹谿縣知會探得竹山縣境  
現有匪徒燒搶刦獄竹谿縣之葛籐口爛柴溝  
等處亦有匪徒聚衆滋擾移請救援

臣

查竹谿

竹山滋事之處距陝省興安府最近距湖北荆  
宜二府稍遠因思興漢鎮赴楚兵丁均係挑備

精銳之師甫經起程尙在興安境內

臣

隨飛札

署總兵文圖就近先行取道馳往竹谿竹山痛

加剿洗臣亦卽酌帶存汎兵丁親往接壤要隘

督同文武員弁嚴行堵截以爲聲援並防逸犯

竄入陝境臣一面咨會督臣宜綿署西安將軍

花尙阿派調滿漢官兵各一千名由南山小路

兼程來興相機接應一面咨會湖北督臣畢沅

等兩面夾攻以期迅速撲滅

同日西安將軍恒瑞奏言臣於二月二十五日

接奉

諭旨當於西安滿兵內選派一千名屬下綠營兵內  
選派一千名卽於二十九日起程撫臣秦承恩  
現在與安當將鄖陽及當陽東湖現在情形並  
由何路趨行之處向秦承恩會商酌量前往再  
西安省城亦須大員駐彼經理現在烏魯木齊  
都統永保來京

陛見卽日可抵西安臣已飛札囑令過行到時暫行

留駐聽候

諭旨均奏入

上命軍機大臣傳諭畢沅惠齡宜綿永保秦承恩曰  
畢沅已於蘇家河殲斃賊匪二百餘名正可乘勢  
力圖進取今因荆襄等府俱有賊黨並播散謠言  
冀圖搶刦復行請發京兵前往駐守京營勁旅打

仗殺賊原可以一當百若祇令前往防守則湖北地方遼濶村莊要隘在在需兵無論簡發三千不敷分布卽十倍此數亦不足用况京城距湖北路遠非惟曠日持久緩不濟急京師重地先已駭人觀聽且經過直隸河南二省兵丁及跟役等人數衆多沿途支應未免多有擾動而帶兵之員一時亦難得其人畢沅等前後所調河南陝西及本省

滿漢兵丁已有六千餘名又有恒瑞帶領西安滿兵二千名馳往會剿今據該督奏稱現又飛咨陝撫再行添調兵二千名是各處兵丁到齊統計已有萬餘儘足敷剿捕之用恒瑞曾厯戎行帶兵自可得力今畢沅因各州縣紛紛稟報未免張皇失措不能得有把握該督職任封圻均資調度若胸無定見先露驚張則將弁兵丁及州縣等愈覺無



所倚恃而民情亦不免倍加惶惑賊匪更易生心  
所關非細本日據恒瑞奏永保由烏魯木齊來京  
業經札知速赴西安現在湖北旣須大員帶兵永  
保曾經軍旅著卽由驛遄行同恒瑞帶兵從鄖陽  
一帶行走將有賊處所先加搜剿馳抵當陽與畢  
沅會合協同剿辦又有舒亮鄂輝先後派往伊二  
人俱係帶兵熟練之員均可得力此時畢沅總當

持以鎮靜不可稍露聲色朕亦不望其帶兵打仗  
惟應督率弁兵悉力守禦鎮定人心不可冒昧輕  
進稍致疎虞湖北地方素稱殷庶紳襪富戶當此  
奸民滋擾自必團練鄉勇於村莊要路設法防守  
各保身家此次畢沅摺內卽稱荊州襄陽等處紳  
士義勇合力齊心擒殺賊匪日以百計可見賊匪  
雖乘機肆擾而民心固結人自爲戰賊匪斷不能

任意鴟張加以兵力厚集民心益壯祇須將首逆  
擒獲其餘脅從自可不攻而潰所有該處團練殺  
賊之紳士義勇俱著畢沅擇其出力者傳旨獎賞  
俾益知感奮再本日據秦承恩奏親帶兵丁前往  
陝楚接壤要隘堵截現在陝西省城並無大員昨  
據宜綿奏稱已於二月二十日自蘭州起程前赴  
西安駐劄卽著該督辦理糧餉策應彈壓等事

初六日

壬子

畢沅奏言

臣

於二十八日督飭將弁

率領兵勇冒雨進發斃賊二三百人將賊卡數

處全行搶占賊遁入城齊集垛口負隅固守我

兵追薄城身用鎗礮攻打但以四百餘名之兵

稍形單薄聞南陽鎮阿克棟阿帶兵四百名今

日可到又東湖剿賊之武昌府同知常丹葵屢

經殺賊該處賊已潛匿而當陽正與接壤恐賊

人卽從此路竄出先經臣密令酌帶兵六十名

鄉勇五百名星速前來已於二十八日趕到當  
陽西南之長坂坡紮住營盤堵截去路三路兵  
勇會合圍攻並將大礮轟摧聲勢極爲聯絡此  
時城內賊匪聞尙有二三千人業被官兵四面  
圍住外賊無從應援內賊不能竄逸已如釜底  
遊魂萬分窮蹙天氣稍晴官兵更易舒展自可

卽行掃蕩又遠安縣知縣石燼守備張元善殺  
死賊首趙治國並其子趙世貞此外鄉勇自行  
殺斃之賊不可勝數惟鄖陽施南一帶在萬山  
之中如保康竹山等屬向無城垣存汛兵丁多  
不過二三十人少者數人茲聞該二縣一帶逆  
賊猖狂到處蹂躪甚爲危急現在陝省興漢鎮  
兵尙未接到啟程之信而初次所調豫兵一千

名除赴當陽四百名外餘已分赴南漳穀城其  
續調豫兵一千名又已飛飭酌撥三百名速赴  
枝宜惠齡軍營其餘酌量情形分投援應

臣飛

檄分催豫陝二省未到之兵迅速前進以資分  
剿

同日畢沅惠齡奏言二月二十四日據施南府  
知府法克晉稟稱來鳳縣司崗小坳地方有匪

徒數百人於各村莊搶劫該縣莊紐蘭督同卯  
崗巡檢沈懷楓召募鄉勇會營防堵懇請發兵

援應

臣

等查來鳳縣並無城垣與四川秀山縣

湖南龍山縣接壤該縣所屬之聶車坪與湖南

里耶相近

臣

惠齡於上年三四月間派委施南

協副將樊繼祖帶兵二百名駐劄聶車坪又撥

兵二百名委守備周言昇駐劄南省龍山縣之



里耶地方以成犄角之勢互相聲援今可尙等處既有匪徒竊發與聶車坪一帶相離甚近隨飛飭樊繼祖將該二處駐防官兵全數撤回卽令該將帶領速往搜捕二十七日復據法克晉稟稱該縣莊紉蘭身受重傷跌下河溝典史張寧亦受傷落河現據莊紉蘭之子莊念謀呈繳印信前來據稱莊紉蘭被害情形相同臣等不

勝憤恨查該縣僻處萬山係湖北施南邊界無

論

臣

等現帶各兵尙恐不敷分剿無可抽撥卽

遣兵往援亦屬緩不濟急惟聶車坪里耶二處

防兵共有四百名路亦便捷可以就近剿捕

臣

等現復飛催樊繼祖速卽帶兵馳往相機剿殺

再頃據來風接壤之署咸豐縣知縣康又民稟

報該縣會同紳士招募鄉勇二三千人在緊連

來鳳地方節節分設卡坐殺賊一百數十名擒  
獲六名卽行正法該處尙爲嚴密賊匪未敢竄  
入再舒亮業經暫留北省今查尙有頭等侍衛  
關騰仰懇

聖恩將該員一體暫留湖北卽來宜都領兵剿捕

同日惠齡奏言臣於二月二十一日帶領官兵

剿殺深冲口鳳凰山賊匪連日清晨大霧迷漫

巳刻以後卽大雨如注至夜不休臣等傳知各

營將火藥等項時加烘焙又多用棕片等物將

鎗礮火門厚加遮蓋如有賊匪前來務俟臨近

再行施放茲於二十七日酉刻大雨淋漓之際

忽有匪徒八九百人暗從內山順溝而出各執

鎗矛等械向頭敵營盤潛身窺探經守備林朝

輔把總朱升鑑等以爲不知密率各兵將鎗礮

預備妥協暫未施以賊匪見無動靜一擁而上

林朝輔等卽時鎗砲齊發擊死賊匪數十名賊

匪驚退奔上對面山梁時

臣

與富志那率兵前

來分投剿殺又用大礮轟擊立斃一百餘人逆

匪卽返身奔竄外委蔡國良羅升任得勝陳大

榮等隨後冒雨追趕刀砍箭射殺死數十人割

獲首級二十三顆搶得矛鎗三十五件時大日

不止天色昏黑因卽撤兵回營查賊匪現匿之  
灌灣腦高踞山巔勢極險峻並於山上多安木  
石進路各處暗埋地雷不特賊多兵少未便輕  
進而仰面上攻勢亦難於得手必須另覓路徑  
遣兵抄至賊匪山後暗爲埋伏仍於山前佯作  
進兵之勢賊匪自必向前抵拒不暇顧及後路  
以便伏兵從上壓下使其互相驚擾腹背受敵

而現在官兵僅止八百餘名難以分爲前後兩路先調南陽官兵均因襄鄖二府屬各有匪徒蠢動經督臣畢沅就近撥往剿捕至興漢之兵尙無入楚確信是以<sub>臣</sub>處尙無一兵到此而現據各處拏獲匪徒內有供稱枝宜匪夥被官兵圍困糾黨前來救援之語是現在枝宜逆犯實爲衆匪附和之藪<sub>臣</sub>現飛催南陽興漢二鎮官

兵星夜趕緊前來不拘何處兵到卽便分投擒捕均奏入

上命軍機大臣傳諭畢沅惠齡曰賊匪蟻聚蜂屯到處滋擾斷非各分黨類其中必有爲首最要之人爲之主持糾結或張正謨卽係賊首抑或張正謨之外另有主謀爲首者俱未可定現在當陽賊匪業經官兵四面圍定不能逃竄俟拏獲該處賊匪



即可將賊首姓名訊出務當設法生擒解京處治  
至當陽賊匪於攻擾縣城後若復四出分擾轉費  
搜拏今竟在城潛匿正可聚而殲旃至來鳳縣並  
無城垣該縣莊叙蘭典史張寧帶兵無多倉猝遇  
賊衆寡不敵莊叙蘭身受重傷復經其子呈繳印  
信並稱伊父被害情形情殊可憫著該督等卽照  
當陽縣黃仁之例於事完後咨部優卹其子並著

送部引見典史張寧受傷洛河並著該督等查明  
如張寧亦已被害亦一體咨部優卹現在所調河  
南官兵業經畢沅截留應用而惠齡一路正需分  
兵進攻著畢沅卽飛催恒瑞及署興漢鎮文圖帶  
領滿漢官兵加緊進行到楚應用或河南後到之  
兵亦可如畢沅一路酌量兵力已敷搜捕續調官  
兵速撥至惠齡軍營以便分路進攻

欽定剿平三省邪匪

畧正編卷四

丙辰年

三月初七日

癸丑

大學士署四川總督孫士毅奏

言據綏寧營叅將王楷稟稱接准湖北施南協

副將樊繼祖咨稱二月十六日於勇敢里苗容

坡上見有匪徒聚集七八百人赴小坳東溪溝

滋擾現在帶兵嚴拏該處與川界緊接應請一

體堵禦隨據酉陽州知州魯華祝稟稱現有楚

北難民數十戶逃入川境據稱該處匪徒聲言

前來川省搶掠

臣

查川楚本係接壤該匪等竟

敢糾衆不法將次擾及川境實堪髮指

臣

卽於

平塊營盤撥出兵勇二百名派守備倪占鰲連

夜帶領前往沿邊悉力堵拏本日將軍觀成已

到平塊

臣

將防堵事宜一一交代卽日帶領兵

勇五百名率同叅將何元卿等兼程前進務將

竄入西陽匪徒剿淨再於扼要處分布嚴防惟  
西陽所屬地勢遼濶與湖北來鳳咸豐等處  
通路徑叢雜平塊各卡兵力無多此時祇可暫  
時抽撥仍須撤回照舊安設所有各標協營節  
經派調存營實屬無幾惟查有新疆各屯原駐  
漢兵二千餘名尙未調動查五屯地方極爲寧  
謐應請卽於此項兵內派撥六百名以便分安

楚北接壤等處嚴加防堵

同日宜綿奏言臣查陝省赴楚之兵俱因竹山

等縣逆匪滋擾就近先行剿捕恐到荆有稽時

日臣卽挑派軍標等營精壯兵一千名飭令總

兵徐昭德統領由商州水路直抵荊州以資援

剿再查竹山等縣距荆宜頗遠而與陝省興安

屬之洵陽白河平利商州屬之山陽商南壤地

毗連興安一帶既有撫臣駐劄調度又有提臣  
柯藩在彼足資捍衛惟商州路通鄖陽隘口共  
十餘處賊匪在在俱可竄入且該處土著甚少  
多係楚北游民寄居耕作或恐賊匪煽惑所關  
尤鉅臣擬卽日前往商州等處察看情形相機  
防禦並於所到之地剴切曉諭該處民人俾得  
安居樂業於事似爲有益均奏入報

聞

初八日甲寅秦承恩奏言文圖於二十八日同署

都司蘇光生在竹谿縣地方搜剿賊匪令監生  
李勝引路直至蜡玉河見有新布帳房十餘頂  
佔踞山內正在會聚我兵從左右山梁壓下賊  
匪手執白旗四桿約有七八百人用線鎗刀矛  
齊出抗拒我兵施放鳥鎗賊匪等始猶向鎗作



揖後因鎗斃多人方四散逃走我兵奮力追捕  
復斃四百餘人生擒二十餘名卽行正法並獲  
教頭王見寅一名受傷甚重旋卽殞命搶獲線  
鎗刀子甚多旋因竹谿縣明峪地方有匪頭朱  
良川等聚集多人欲攻搶縣城時已天晚隨將  
各兵撤回竹谿分占山梁防護城池現探竹谿  
一帶賊匪尙多必須剷除淨盡方可直搗竹山

再查竹山竹谿二縣匪徒滋擾遠近連界居民多有棄家逃避奔入陝省平利白河洵陽安康等縣境內臣已飭興安府知府周世紹率同委員分赴各縣要隘處所查明外來民人實係攜帶家室及老幼婦女殘廢之人俱令搭棚棲止按照大小人數賑給口食奏入

上命軍機大臣傳諭畢沅宜綿惠齡秦承恩景安曰

署總兵文圖帶兵一入楚境卽殺賊四百餘人足  
使賊人聞風膽落而賊之毫無伎倆亦可概見至  
官兵施放鳥鎗時賊匪向鎗作揖自係賊匪畏懼  
兵威作此乞憐之狀斷不可信賊匪如聞官兵往  
捕卽拋擲器械束手乞命尙可寬其一線若旣經  
抗拒被官兵痛加殲戮始行畏懼雖叩頭哀懇亦  
難輕貸現在秦承恩已赴興安一帶陝省地方亦

關緊要宜綿祇當於西安省城及商州一帶邊界稽察彈壓不可又赴楚境景安現在南陽足資照料亦不必越至楚境於本省事務轉致不能兼顧

十一日丁巳畢沅惠齡奏言三月初二三日節據

鄖陽府知府王正常護鄖陽協都司郭樞稟報保康縣於二十日被賊蹂躪該縣知縣陳世章典史蕭水清均已督率兵勇剿賊被害竹山縣

於十二日被賊殘破該縣知縣劉大成守脩  
孫掄魁典史吳國華亦以殺賊捐軀並據各遣  
丁役將印信繳府因道路阻隔昨始報到臣等

聞信不勝憤恨幸陝兵陸續而來計此時興漢  
兵已經到鄖可期援應惟是鄖陽全屬在本省  
西北邊界萬山之中人烟稀少向無驛路又以  
事起倉猝該處素稱瘠薄其營中軍火均已調

用空虛一切軍需物件皆須即時趕辦而現在  
武員固少文員亦無可委甚爲掣肘臣畢沅現  
與汪新先將銀兩軍火等項要件設法由襄轉  
解鄖陽並飭附近碾用常平倉穀以濟兵食但  
恐隣近亦皆有警不能遄行爰速已札會秦承  
恩就近於興安一帶酌籌協濟以期兩路分供  
藉資接應再查近日各屬官兵鄉勇合力堵剿

甚爲得力節據東湖巴東咸豐鍾祥穀城等縣  
具報殺斃賊匪多名襄陽穀城遠安等縣及鍾  
祥生員鍾自修具報均有盤獲奸細訊明正法  
臣等現已飛飭各屬於要隘總口多派兵勇嚴  
行盤詰勿使奸宄混入

同日畢沅又奏言當陽賊匪自被兵勇追趕竄  
入城中不敢開門抗拒惟聚集醜類於城上排

立死守副都統成德於二月三十日馳抵當陽  
南陽鎮總兵阿克棟阿帶領河南官兵四百名  
及<sub>臣</sub>飭調來營之湖北糧儲道舒永阿均於三  
月初一日趕到會合一處彼此公商分爲四隊  
四面攻打鎗礮齊發女牆之上應聲撲倒者甚  
多賊人畏懼亟以木板攔住其城垛牆缺俱用  
磚石土塊填砌使我兵不能見賊鎗礮無從施



放該縣城內舊有大礮二尊賊匪滋擾遠安時

又搶得管礮二尊遂將分置四城以拒官兵

臣

飛調大礮數尊分安四城門外盡力轟擊兩晝

夜未得轟開土人鄉勇咸稱此必賊人先用厚

土砌滿城門故急切未能打破

臣

又添用紅衣

大礮攻打城身賊匪亦於城垛礮眼內潛放鎗

礮拋擲石塊肆行抗拒檢閱鎗子多鉛條鐵釘

石子之類兵勇間有被賊打中亦未致重傷

臣

查當陽城小而堅何以猝被攻破細加諮訪始

知知縣黃仁先經拏獲教匪多人正在收禁訊

供詳辦適被東湖匪首探聞輒約城中安插之

軍流人犯及附教之衙役書吏勾通搶犯兼以

城內民人聞有賊至紛紛奪門而出致被賊匪

一擁混入是以城垣尙皆完固

臣

現密查內應

吏役軍流共若干犯係何姓名此時自必皆在  
城內收復之日必須按名擒捕處以極刑緣坐  
家屬並搜淨吏胥餘夥不使一名漏網現仍加  
緊攻擊復令將安設礮位之處運土填高以期  
施放得力目下東面城樓已經打坍四周城身  
亦漸有裂縫之處遂飭各將官就毀裂處所盡  
力轟摧晝夜不息成德阿克棟阿高杞黃瑞烏

爾卿額什圖常丹葵身先士卒俱能奮勇出力  
惟賊人自知犯罪重大城破之後萬無生理勢  
必突圍竄逃而別處賊匪亦恐糾衆來援

臣已

派撥精壯鄉勇三四千人各於距城數里外四  
處埋伏旣以絕外賊之援並以防內賊之逸重

圍密裏羅網層層似可無虞逃潰

臣

令各屬招

募鄉勇或願保守村莊或願從兵打仗俱聽其

自便現在保守村莊者處處已有七八百人及  
十餘人不等其情願打仗者亦日集日多並因  
恨賊切齒無不奮勇爭先各鄉勇盤有身帶符  
錄及衣服內有紅白布條爲記者卽皆撲殺合  
之官兵所殲已不下萬有餘人臣惟有會同各  
領兵官悉數殲除斷不敢稍存將就姑息之見  
至撫臣惠齡現在宜都深沖進剿亦須厚集兵

力始可掃蕩賊巢

臣

飛飭將河南兵先到之五

百名徑赴枝宜並飛札舒亮卽統領河南兵後

到之五百名暫留襄陽一帶相機剿捕並於奉

旨派出之二起章京前鋒校內撥出三員以一員赴

穀城以一員赴南漳以一員留襄陽何處有賊

卽往何處剿捕以期要地得人藉資分剿其餘

四員令馳赴枝宜軍營交與惠齡差遣再各屬

被賊焚掠難民蕩析離居紛紛逃避實堪憫惻

臣

多委幹員發給銀兩分赴各屬隨處安撫給

以銀米并飭下游各州縣一體收養好爲安頓

並令通省標營速募新兵以脩補額再火礮轟

堅最爲行軍銳器茲據荊州府知府崔龍見稟

報正在購料興工間適據在署工匠田國香稟

稱伊向年曾於城西

關聖廟旁荆右衛署內工作見土中似有礮身橫

卧隨經該府通稟臣飛札知會汪新親勘創挖

兩日內共創獲大小六十二位礮子一萬六千

四百餘顆內大礮一位驗有康熙十四年乙卯

寧南靖寇大將軍順承王監造縱橫滅逆礮字

樣餘俱洗刷潔淨礮身堅緻堪用居多現當剿

除兇逆喫緊之時適得此火攻利器遠近傳聞



懽聲雷動臣現已飭令挑取大礮六尊解來當  
陽并分大礮六尊星夜送往枝江惠齡軍營以  
期膚功迅奏早慰

宸衷

同日孫士毅奏言查楚省匪徒連日闖入西陽  
境內據該州魯華祝稟稱經弁兵擒獲四名訊  
據供稱有來鳳縣教首二人一名王鳴鳳一名

陳啟明本年正月間先後邀同夥匪作亂自稱  
係白蓮教首王鳴鳳現在土堡屯聚陳啟明現  
在小坳屯聚均有黨與數千人臣以該匪等係  
當場現獲法無可貸遂一面訊供一面寸磔梟  
示伏查楚北教匪前年已會破案大加懲創此  
次聚衆作亂似應卽以叛逆科斷若仍令地方  
官清查邪教恐胥吏因緣爲奸不免輾轉株求

擾及閭閻以致內地民人益加惶惑此時祇宜  
上緊剿除逆匪其邪教一節似應暫緩查辦以  
安衆心臣已於川省沿邊一帶徧示曉諭察視  
民情似已稍稍寧帖臣暗令地方官遇有形跡  
畧涉可疑者密爲存記總俟事定之後再行徹  
底查辦至現被匪徒焚搶處所未免流離失所

臣已札知藩司林儁選派誠實佐雜來至酉陽

邊境隨同該州逐一確查按照上年秀山難民之例妥爲撫卹此時闖入川省匪徒雖已剿殺潰逃尙於楚省沿邊往來游奕希圖乘隙來川焚搶臣現在帶兵駐劄苗容係川楚交界地方距土堡小坳兩處賊巢僅數十里因所帶兵勇祇數百名未便輕率深入現於沿邊要隘各處酌撥兵勇設立營卡另派將弁人等校織游巡

遇有竄入匪徒立即剿除以重邊防再聞楚匪  
有潛來黔江阻截運道之信現因大營添調川  
兵即日經由黔江遂飛檄領兵備弁截留三百  
名暫駐黔江以壯聲勢

同日景安奏言本月初一日據南陽府知府完  
顏岱稟轉據署鄧州知州周幾稟稱於二月二  
十九日盤獲一人訊係湖北襄陽府穀城縣秋

木溝人名喚王義年二十七歲會拜童紹虎爲  
師傳習咒語同教有李茂劉宗漢鮑明德呂仲  
等二月二十四日李茂令呂仲糾約該犯於二  
十六日至李茂家會齊商議搶奪官兵知覺率  
領鄉勇往拏將李茂房屋燒燬先聚有二百多  
人登時殺散該犯逃至均州卽被拏獲又據稟  
報續獲申維選等三名亦因被剿窮蹙逃竄前來

未便稍稽顯戮

臣

擬將各犯審訊明確擇其關

係緊要有需咨查質對者酌量監禁待質其餘

審明後實係邪教謀逆之人恭請

王命卽行正法以淨根株均奏入

上命軍機大臣傳諭孫士毅恒瑞畢沅惠齡曰此時  
當陽賊匪業經圍住而所調陝西河南滿漢官兵  
不日卽可到齊畢沅現分派四路用礮轟擊縣城

未免稍拙攻城之法或聲東擊西或於三面攻擊  
故留一門爲賊出路暗設伏兵乘賊竄逸爲掩捕  
之計若專用礮轟擊徒糜火藥與磚石爲敵殊屬  
不值且致耽延時日至竹山保康二縣並無城垣  
難以守禦該縣令等因猝遇賊匪捐軀殊可憫惻  
陳世章劉大成均著於事定後咨部加等照知州  
例優卹守備孫掄魁照都司例優卹典史蕭永清



吳國華亦著各照縣丞例優卹其盤獲奸細之生  
員鍾自修並著該督察其才具分別以知縣佐雜  
等官補用至孫士毅馳抵楚北邊界堵剿賊匪所  
辦亦屬可嘉其所稱此時祇宜上緊剿除逆匪邪  
教一節暫緩查辦以安衆心所見適與朕前旨脗  
合孫士毅畢沅著賞給玉搬指大小荷包其帶兵  
出力之成德阿克棟阿彭之年文圖著各賞給大

小荷包俾益加鼓勵其盤獲匪徒之知府完顏岱  
知州周璣尙屬留心著景安咨部議叙又據畢沅  
奏於荊州府

關帝廟旁挖出大小礮位礮子現當剿除兇逆之際  
得此火攻利器更足警賊膽而鎮民心

關帝威靈顯赫而荊州尤爲

神蹟最著之地此實仰邀

神祐爲破賊佳兆倍深欽感著畢沅卽查廟宇規模  
若何並先將

神像法身及聯扁需用尺寸若干詳細開明具奏以  
便恭上

神袍並親書扁額對聯發往懸掛事定後著畢沅將  
廟宇鼎新莊嚴

神像以表尊崇而隆妥侑

十二日  
戊午 湖南巡撫姜晟奏言二月二十二日

據龍山縣知縣林龍章稟報該縣與湖北來鳳縣地界緊連僅隔十五里十八日探聞來鳳來牛崗地方有匪徒聚衆滋事現在設法堵禦隨經飛派駐劄古文坪之本協副將慶溥馳往堵剿去後旋據該縣林龍章稟報二十一二三等日逆匪分路潛入龍山境內焚掠村庄該縣與

外委宋吉元督率兵役鄉勇分投防剿該邑紳士黃崗錫等糾集各里鄉勇截殺賊匪不下千餘名賊匪畏懼窮蹙竄回來鳳至澧州石門一帶隘卡均屬防範嚴禁居民安堵地方寧謐如常奏入報

聞

十四日

庚申

上諭內閣曰健銳營向設有雲梯一項專挑兵丁習演最爲趨捷卽如此次荊州剿捕賊匪若該處滿兵習用雲梯豈不更易嚴事何至用礮攻擊致耽時日嗣後外省駐防滿兵處所該將軍等亦當挑選數百名演習雲梯而綠營中兵數較多每省督撫提鎮標下亦可酌挑一二千名使之隨時演習俾臻精熟

十五日辛酉恒瑞秦承恩奏言竹谿一縣除蜡玉

河外尙有算盤山葛籐口爛柴溝大仙峪明峪  
已家山惠灣破峯青崖溝九道梁等處屯聚賊  
匪自數百名至數千名不等遣令奸細布散浮  
言搖惑人心並用竹筒盛貯硫磺各處放火經  
我兵拏獲訊究據供逆匪約定二月二十八日

攻搶竹谿縣因臣秦承恩先期密令文圖帶兵

猝至蜡玉河剿殺多名賊知有備潛匿山谷不

敢輕出

臣

等查自興安前赴荆宜必由竹谿竹

山房縣經過今三縣地方俱有賊匪滋擾自應

卽由此路進兵

臣

恒瑞卽帶領前隊官兵於初

七日自興安起程馳赴竹谿痛加剿洗迅抵保

康會合楚省兩面夾攻至官兵旣從竹谿進剿

後路軍火兵糧等項最關緊要刻下竹山被賊



佔踞前途梗塞楚省不能具備臣秦承恩已飭

興安府知府周世紹妥爲預備一面札調糧道

孫藩神木同知託銘馳赴竹谿催趲運送

同日惠齡奏言查續調河南官兵一千名尙無

來營之信其陝西興漢之兵因鄖陽各屬皆有

匪徒滋擾該兵到境正須留彼剿捕萬難來至

枝江是臣所調之兵已爲各處截留而畢沅兩

次奏撥來校之兵亦無一名到此自不便屯兵山谷坐待征兵因思賊匪所恃高山險路到處埋伏若能誘其出山必可大加剿殺且聞賊匪糧已無多又被官兵截住要路無從逸出搶劫勢不甘坐以待斃或竟率其黨與爲困獸猶關之計更當設法擒拏因於各要路密遣精兵鄉勇預爲埋伏飭令賊來毋出賊敗截殺三月初

六日傍晚果有賊匪數十人望見我兵人少從  
深沖腦疾趨而下兵丁退回營卡賊匪手持器  
械直撲守備林朝輔營盤該備俟其將近卽放  
礮轟擊立斃二十餘人餘賊奔上山梁搖旗招  
衆山後又突出數百人一湧而來各執乾草拋  
焚鹿角林朝輔卽乘勢用火彈擲打燒死十數  
人賊尙直前不退臣與富志那兩路督兵接應

正在圍剿之際又聞糧臺營卡亦有賊匪數百人潛往搶刦隨囑富志那留此剿殺臣卽潛抽

官兵馳往救援我兵見有接應勇氣百倍當卽

四面殲擒鎗箭齊發殺死一百餘人賊始紛紛

向山內奔竄臣等預伏各兵卽從山坳殺出追

兵趕及前後夾攻賊匪驚疑不敢抵禦四散潰

逃又殺死八九十人頃准湖南撫臣姜晟來咨

知所調廣西兵二千名就近撥赴荆宜先爲收  
捕逆匪之助已由長沙省城坐船前來復准畢  
沅知會頭起粵兵五百名已至荊州現在派往  
當陽協剿尙有後三起兵諒不日亦可全到臣  
當卽委弁飭令迎健前奏撥豫省官兵卽留該  
處調遣毋庸再來枝江旣省兵力亦可稍節糜  
費均奏入報

問

問

問